



Universitätsbibliothek Paderborn

**De Confessionibus Ritè ac fructuosè excipiendis Doctrinas
tam generales, quàm speciales ad varios Hominum Status
accomodatas complectens**

Lohner, Tobias

Dilingæ, 1679

De quinta obligatione Ad restitutionem imperandam.

[urn:nbn:de:hbz:466:1-49251](#)

prodigum, jānique stolam gratiæ illi circumdaturum per Sacramentalē absolutionem; id unum orare, ut deinceps à Patre tantopere ipsum anante amplius non recedat. Denique non parùm etiam conductit ad dolorem ejusmodi peccatori- bus ingenerandum, si jubeantur aliquam sententiam ponde- rate, v. g. si Confessarius dicat: Mi bone, pro salutari pæni- tentia facias hoc vel illud; de cætero dictam tibi à Christo Crucifixo, & pro te vulnerato sequentem S. Bernardi senten- tiam existima: Nonne satis propter te vulneratus sum? nunquid proximitate tua afflictus sum? cur addis afflictionem afflictio? magis aggravant me vulnera peccati tui, quām vulnera cor- poru met. Aut istam ejusdem: O homo, vide, quæ pro te patior. Non est dolor, sicut quo crucior. Ad te clamo, qui pro te morior. Vide penas, quibus afficiar: Vide clavos, quibus confodior: tamen si dolor tantus exterior, interior est planctus gravior, cum to- tam ingratum exterior.

DE QUINTA OBLIGATIONE

Ad restitutionem imperandam.

Qu. An Confessarius obligatus sit ad restitutionem Pænitentiæ imperandam? Rz. Etsi apud eos, quos prudenter judicare po- test, nōsse obligationem restituendi, & velle eidem satisfa- cere, non sit necesse, illis eam obligationem in memoriam revocare, ordinariè tamen, & apud pleosque consultius est, ut de ea admonescantur, quod quandoque modestè admodum, & quasi indirectè fieri potest, dicendo v. g. non dubito, quin Dominus noverit suam obligationem quoad onus restituendii, eique satisfacere paratus sit, idèoque ab ulteriori admoni- tione abstinenſ, impono pro salutari pænitentia &c. Quia tamen hic actus omnium lèpe difficultimus est Pænitentiæ, ideo cautissimus in hoc negotio Confessarius esse debet ne vel minus, vel plus obliget Pænitentem, quām teneatur. Quem in finem sequentes doctrinæ diligenter notandæ, & obser- vandæ sunt.

I. Ante omnia det operam, ut quandoquidem restitutio- est gravissimum onus, diligenter in casibus ad eandem per- tinentibus se exerceat, &, si quas habere potest favorabiles, probatas eamen sententias, colligat, memoriaque imprimat.

II. Diligenter etiam notet regulas generales ab Autho-

ribus hac in materia assignari solitas ad obligationem restitutio-
nis intelligendam. Ex autem sequentes sunt. Prima.
Nemo tenetur ad restitutionem, qui non mortaliter peccato
contra justitiam. Ita Less. de justit. c. 7. n. 27. Secunda.
Ia est obligatio in foro conscientiae (ante Judicis sententiam
compensandi dainnum non prævisum, etiamsi operam nulli
licita dederit. Ita Lugo d. 8. de just. n. 41. & 83. alii que pri-
batissimi Authores, teste P. Gobat in Clypeo Clem. Jud. n. 10.
Tertia. Non est obligandus Pænitens ad restitutionem, quia
duncunque dubium est, num sit facienda restitutio. Ita Pola
in direct. c. 1. Jacob Graff. & alii apud & cum P. Gobat
n. 236. Quarta. Non est obligatio restituendi imposta
cum Pænitens in legem purè pænalem, aut mixtam delictu-
ta Navarr. c. 22. n. 55. & alii apud P. Gobat. n. 149.

III. Det operam, ut causas à restitutione excusantes
memorize bene imprimat; ex autem sequentibus versibus con-
prehensae sunt.

A restitutione bonorum excusaris.

*Si capias usu : cedas : si sponte remittat
Debitor : aut illi sit compensatio facta :
Debita si ignores : aut illi reddere possis
Non sine iactura, fama qz, anima qz, statu sive
Si iussi quidquam lusu, vel sorte parasti.*

A restitutione famæ excusaris.

*Si fama obtenta est : apertum oblivio crimen
Abstulit : aut rapta à lazo tibi fama vicissim est.
Si donet laesus, vel condonare poterit :
Reddere siqz potens non sis, vel non sine danno
Maiori : vel famam alia si laesus eandem
Perdidit ipse viā, nihil illi reddere debes.*

IV. Si tempore confessionis occurrat ei casus difficultatis
intricatus, ut ex eo statuere nequeat, an Pænitentem
vel non sit obligatus ad restitutionem, tum poterit vel priu-
monere Pænitentem, se velle hanc difficultatem diligenter ex-
pendere, illaque certum ad se redeundi tempus determinare
vel si redire Pænitens non posset, & alioqui homo sive dignus

asset, poterit ei suadere, ut ipse in casu tam dubio alium quendam doctum & pium Confessarium interroget, & quod ab illo jubeatur, exequatur, id si receperit, poterit absolutionis capax fieri.

V. Si in aliquo casu putaret in rigore loquendo posse quidem Pænitentem ab onere restitutionis excusari juxta probabilem aliquam sententiam, contrarium tamen multò probabilius judicaret, tum non deberet quidem Pænitentem obligare ad restitutionem, posset tamen ei suadere, ut tunc procedat, & restitutionem faciat, maximè si satis opulentus foret & is, cui restituendum foret, magis esset indigus.

VI. Si restitutio valde difficultis accidat Pænitenti, non tam defectu potentiae, quam voluntatis restituendi, poterit sequentibus moribus difficultas leniri. 1. Ostendat necessitatem hujus actus, quod nimur ejusmodi sit, sine quo non possit obtainere remissionem peccatorum juxta notum illud S. Augustini effatum: *Non remittitur peccatum, nisi restituatur ablatum.* 2. Ostendat illi, quod licet servet illas divitias, non habiturus sit in illis ullam à DEO benedictionem; si autem benedictio DEI non adest, quomodo ullum ex eis fructum sperare poterit? restituat ergo ablata bona, certoque sibi persuadeat, melius esse parum cum timore Domini, quam ingentes thesauros cum injustitia. 3. Revocet illi in memoriam, quod, quamdiu non restituit, nullum ipsius opus gratum DEO, aut meritorum esse possit juxta ipsius Servatoris pronunciatum, quo dixit: *Si offers munus tuum ad Altare, & recordatus fueris, quod Frater tuus habet aliquid adversus te, vade prius reconciliari fratri tuo &c.* si ergo, postquam intellexisset, se nihil in temporalibus lucrari posse, quamdiu rem injustam possideret, haud dubie mox restitueret, quanto magis amore lucri spiritualis idem præstare deberet? 4. Jubeat considerare, quod ea omnia, quae retinere cupit, dimittere deberet, si casus aliquis, aut hostis, aut fur eriperet, aut etiam Magistratus legitimus exigeret; an ergo non possit extorquere ab eo gratia Dei, & justitiae, Proximi ac Dei amor, quod necessitas potest? an non plus valeat voluntas DEI, quam Magistratus imperium? 5. Revocet in memoriam Christi sententiam, quam dixit Matth. 25. quamdiu uni ex minimis meis fecisti, mihi fecisti; an non ergo Christo citò, libenterque

restitueret, quod ei in justè abstulisset? 6. Jubeat merito generalis illius legis à natura ipsa dictatæ: quod tibi non fieri, alteri ne feceris. Si ergo ipse tam ægrè fert, sua sibi bona ab alio ablata esse, nec restitui, cur non similem dolorem alio concipiendum merito credat? 7. Etiam illam Christi sententiam Matth. 6. in memoriam revocet: quæritis primum regnum DEI & justitiam ejus &c. jubeat proinde spem non dubiè implendam fore hanc promissionem, si plebs animarum justitiæ, quod hic & nunc exigitur, sincrè impleat.

VII. Si Pænitens per ipsum restituere velit, non facile acceptet hoc onus, nisi forte alia via non occurreret restituere faciendæ, tum enim suscipere quidem id posset, sed summa cautelam adhibere deberet, ne, dum alteri per restitucionem consulit, Pænitenti per sigilli violationem noceat, summa que auferat.

DE SEXTA OBLIGATIONE Ad pænitentiam imponendam.

Qu. I. An Confessarius obligatus sit ad pænitentiam imponendam? Rz. affirmativè ex communi sententia Theologorum. Quia verò etiam hoc onus satis grave nonnullis Confessariis accidit, ideo ad illud nonnihil alleviandum ferunt poterunt sequentes regulæ.

Regula prima. Non dimittendus est Pænitens, qui eum pro gravissimis peccatis vult minimam saltem pænitentiam acceptare. Ita Regin. Homob. Hostiens. Abbot. Molfesius & alii apud Dian. p. 2. tr. 15. ref. 52.

Regula secunda. Confessarius non tenetur imponere pænitentiam (saltem gravem & peccatis commensuratam) quem prudenter judicare potest, vel satisfecisse, vel certe post factum satisfacturum, sive per propria opera, sive per indulgentias obtentas. Ita Lugo, Arriaga, Dicastillo. & communiter RR. colligiturque ex Glossa in Extrav. Antiquorum de pænit. & remiss. ubi Bonifacius VII. reprehendit Confessarios, qui tempore Jubilæi pænitentias imposuerunt.

Regula tertia. Non est medicinalis pænitentia injuncta, quando obligatio ad satisfactionem per pænitentiam imponata est, quia accessoriū sequitur principale. Ita communiter sententia, teste Lugo d. 27, f. 2, n. 22.